



Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 125. Felix V. Joannis a Jesu Maria Carmelitæ Excalceati decessus.

[urn:nbn:de:hbz:466:1-67313](https://nbn-resolving.de/urn:nbn:de:hbz:466:1-67313)

antiquis Deorum, Gentilium, & Sybillæ-Sæc. XVII.
rum, & tractatum de voluptate abdicanda A.C. 1615.
præter sermones varios, & plurima alia.

§. CXXV.

Felix P. Joannis a Jesu Mariæ Car-
melitæ Excalceati deceffus.

Specialemeretur mentionem Vene- *Opera V.*
rabilis Joannes a Jesu Maria ob vitæ *Joan. tom. I.*
sanctitatem, atque eruditionis præstan- *Miræus*
tiam longe celeberrimus. Hic in Cala- *Script. Sæ-*
guritana Hispaniæ urbe natus, a teneris *cul. XVII.*
haud obscura futuræ sanctitatis speci-
mina edidit. Præprimis Teresia Espan-
gnola ejus Matertera non mediocris vir-
tutis fæmina hunc puerum tum adhuc
quinquennem Romæ inter discalceatos
Carmelitas effulsurum vaticinabatur,
quamvis tum in ipsa etiam Hispania ab
uno circiter anno non nisi pauci novæ
hujus reformationis surculi in obscuro
Durueli tugurio latitassent. Postquam
vero Joannes noster variis virtutum ex-
ercitationibus, ac sacratioribus disciplinis
mentem suam ad prodigium usque
efformaverat, eodem anno, quo sancta
Theresa obiit, ad ejus reformatio-
nem suscepimus est, expletoque in omni-
bus virtutum exercitiis tyrocinio sequen-
ti anno professionem Pastranæ emisit, ac
Genuam missus, Scholasticæ & Mysti-

Sæc. XVII. cæ Theologiæ , necnon S. Scripturæ
A. C. 1615. studio tam sedulam navabat operam,
ut omnes profundam in disputando sa-
pientiam , & sublimem rerum divina-
rum cognitionem mirarentur : postea
Novitiorum educationi , aliisque Ordi-
nis sui officiis præpositus , tandem De-
finitor Generalis eligitur. Tanta vero
sanctitatis , ac profundæ scientiæ ejus
fama percrebuit , ut plures Principes ,
ac præprimis Ptolomæus Gallius &
Sfondratus Cardinales in via spirituali
Joannem tanquam Ductorem , atque
oraculum sequerentur , ac ipse met Cle-
mens VIII. ipsum triginta illis Theolo-
gis , quos disputationibus de auxiliis de-
stinaverat , connumerari voluerit , quem
tamen honorem deprecatus , scripto Pon-
tifici oblatu sententiam suam circa hoc
argumentum exposuit. Postea anno
Domini millesimo quingentesimo nona-
gesimo primo in Præpositum Genera-
lem electus , totam Congregationem
magna prudentiæ ac virtutum laude
moderatus est , quo munere expleto ad
Conventum S. Sylvestri in Tusculano
fese recondens , ac nonnisi altissimæ di-
vinorum contemplationi addictus , post-
remum mortis suæ diem præstolabatur ,
qui erat vigesimus octavus Mensis Maij.
Biennio post Corpus ejus , vestibus
marcore penitus exelis , integrum , vi-
vidum.

vidumque repertum est , prout hodie- Sæc. XVII.
dum in ligneo sarcophago ad latus Ora- A.C. 1615.
torii reconditum ibidem conspicitur.

§. CXXVI.

Ejusdem Venerabilis Patris opera.

Cuncta , quæ Venerabilis P. Joannes Possev. in
ediderat , tanta pietatis ubertate , Apparat.
eruditionis amplitudine , ac latini ser-
monis puritate conscripta sunt , ut ea
separatim vario idiomate donata itera-
to prælo subiicere oportuerit. Simul
collecta prodiere primum Coloniæ anno
Christi millesimo sexcentesimo vigesimo
secundo tribus tomis distincta : auctiora
vero rursus Coloniæ in quatuor tomis
edita fuere anno Incarnationis Domini-
cæ millesimo sexcentesimo quinquage-
simo : novissime tandem , auctior magis-
que emendata editio Florentiis anno
Salutis nostræ millesimo septingentesimo
septuagesimo primo in tribus tomis ador-
nata existit. In horum primo contine-
tur ejus *Pharaphrasis in Jobum* , *interpre-
tatio Cantici Canticorum* , *lamentationum
Ieremiæ* , *Psalmi centesimi trigesimi sexti* ,
octogesimi tertii , & *quadragesimi primi* , præ-
ter librum de *Prudentia Fustorum & ma-
gis succinctam explanationem Cantici Can-
ticorum* . quæ opera sensu penitus divi-
no conscripta fuisse testatur Possevinus.

Alter